

**JU ZAVOD ZA HITNU
MEDICINSKU POMOĆ
KANTONA SARAJEVO
„Prim dr. Silva Rizvanbegović“
Upravni odbor**

Broj: 01-02-*SSC* /24
Sarajevo, 07.02.2024. godine

Na osnovu člana 25. Statuta Javne ustanove Zavod za hitnu medicinsku pomoć Kantona Sarajevo („Službene novine Kantona Sarajevo“, br. 45/13, 47/13, 20/16 i 13/21), a vezano za član 32. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, br. 39/03, 22/06 i 43/10), Upravni odbor Javne ustanove Zavod za hitnu medicinsku pomoć Kantona Sarajevo Prim dr. Silva Rizvanbegović, na 39. sjednici održanoj 07.02.2024. godine, donio je

**PRAVILNIK
O ORGANIZOVANJU I FUNKCIONISANJU ZAŠTITE I SPAŠAVANJA
LJUDI I MATERIJALNIH DOBARA OD PRIRODNIH I DRUGIH NESREĆA
U JAVNOJ USTANOVI ZAVOD ZA HITNU MEDICINSKU POMOĆ
KANTONA SARAJEVO Prim dr. Silva Rizvanbegović**

POGLAVLJE I. OSNOVNE ODREDBE

**Član 1.
(Predmet)**

Ovim pravilnikom uređuje se organizacija i funkcionisanje zaštite i spašavanja ljudi i materijalnih dobara od prirodnih i drugih nesreća u Javnoj ustanovi Zavod za hitnu medicinsku pomoć Kantona Sarajevo Prim dr. Silva Rizvanbegović (u daljnjem tekstu: JU Zavod za hitnu medicinsku pomoć), nadležnosti njegovih organa uprave i zaposlenika u odnosu na poslove u oblasti zaštite i spašavanja ljudi i materijalnih dobara od prirodnih i drugih nesreća, koje prema Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, br. 39/03, 22/06 i 43/10 – u daljnjem tekstu: Zakon o zaštiti i spašavanju) spadaju u nadležnost javnih ustanova iz oblasti zdravstva, te način obavljanja tih poslova u JU Zavod za hitnu medicinsku pomoć.

**Član 2.
(Izgradnja jedinstvene organizacije zaštite i spašavanja)**

JU Zavod za hitnu medicinsku pomoć obezbjeđuje izgradnju jedinstvene organizacije zaštite i spašavanja u svim svojim organizacionim jedinicama, u skladu sa Zakonom o zaštiti i spašavanju, ovim pravilnikom i drugim propisima, planovima i drugim dokumentima kojima se uređuju pitanja organizovanja, razvoja, pripremanja i upotrebe snaga i sredstava namijenjenih za zaštitu i spašavanje ljudi i materijalnih dobara od prirodnih i drugih nesreća.

POGLAVLJE II. PRAVA I DUŽNOSTI JU ZAVOD ZA HITNU MEDICINSKU POMOĆ I NJEGOVIH ORGANA I ZAPOSLENIKA

Član 3.

(Nadležnost JU Zavod za hitnu medicinsku pomoć)

JU Zavod za hitnu medicinsku pomoć u oblasti zaštite i spašavanju nadležno je za obavljanje poslova koji su propisani članom 32. i drugim članovima Zakona o zaštiti i spašavanju, kao i drugim propisima iz oblasti zaštite i spašavanja, a to su:

- a) organizovanje i obavljanje poslove zaštite i spašavanja u okviru svoje redovne djelatnosti, kao dio svojih redovnih poslova u cilju zaštite vlastitog ljudstva i materijalnih dobara;
- b) provođenje priprema za zaštitu i spašavanje vlastitog ljudstva i materijalnih dobara, koje se obavljaju utvrđivanjem Procjene ugroženosti od prirodnih nepogoda i drugih nesreća JU Zavod za hitnu medicinsku pomoć (u daljnjem tekstu: Procjena ugroženosti) na osnovu koje se utvrđuje organizacija i način zaštite i spašavanja svoga ljudstva i materijalnih doba;
- c) donošenje Plana zaštite i spašavanja ljudi i materijalnih dobara od prirodnih i drugih nesreća JU Zavod za hitnu medicinsku pomoć (u daljnjem tekstu: Plan zaštite i spašavanja);
- d) planiranje i osiguravanje materijalno-tehničkih sredstava i opreme potrebne za provođenje mjera zaštite i spašavanja predviđenih u Procjeni ugroženosti i Planu zaštite i spašavanja;
- e) određivanje i postavljanje povjerenika civilne zaštite u skladu sa odredbama čl. 118. do 121. Zakona o zaštiti i spašavanju i Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, br. 77/06, 5/07 i 32/14) u svim svojim organizacionim jedinicama;
- f) organizovanje službe zaštite i spašavanja, koja se u skladu sa članom 123. stav (3) Zakona o zaštiti i spašavanju i članom 10. Pravilnika o organizovanju službi zaštite i spašavanja i jedinica civilne zaštite, njihovim poslovima i načinu rada („Službene novine Federacije BiH“, br. 77/06 i 52/22 – u daljnjem tekstu: Pravilnika o organizovanju službi zaštite i spašavanja i jedinica civilne zaštite) formira u okviru JU Zavod za hitnu medicinsku pomoć posebnim aktom Vlade Kantona Sarajevo ili nadležnog općinskog organa vlasti;
- g) opremanje povjerenika civilne zaštite i pripadnika službe zaštite i spašavanja potrebnom opremom i sredstvima za njihov rad;
- h) obučavanje i osposobljavanje povjerenika civilne zaštite i pripadnika službe zaštite i spašavanja za njihovo učešće u zaštiti i spašavanju i zaposlenika za provođenje lične i kolektivne zaštite;
- i) provođenje odluka nadležnog štaba civilne zaštite (općinskih, Štaba civilne zaštite Kantona Sarajevo i Federalnog štaba civilne zaštite) koji rukovodi akcijama zaštite i spašavanja na području na kojem se nalaze objekti JU Zavod za hitnu medicinsku pomoć;
- j) dostavljanja podataka o svim pojavama i opasnostima koje se pojave u oblasti kojom se bavi JU Zavod za hitnu medicinsku pomoć, a koje mogu dovesti do nastanka neke prirodne i druge nesreće, najbližem operativnom centru civilne zaštite ili Kantonalnoj upravi civilne zaštite Kantona Sarajevo ili službi civilne zaštite ili najbližoj policijskoj upravi;

- k) drugih poslova od značaja za oblast zaštite i spašavanja vlastitog ljudstva i materijalnih dobara od prirodnih i drugih nesreća.

Član 4.
(Nadležnost Upravnog odbora)

Upravni odbor JU Zavod za hitnu medicinsku pomoć u oblasti zaštite i spašavanja donosi Pravilnik o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća u JU Zavod za hitnu medicinsku pomoć.

Član 5.
(Nadležnost Uprave)

Uprava JU Zavod za hitnu medicinsku pomoć u oblasti zaštite i spašavanja:

- a) organizuje, priprema, prati i preduzima neophodne mjere za funkcionisanje zaštite i spašavanja u JU Zavod za hitnu medicinsku pomoć;
- b) donosi Procjenu ugroženosti,
- c) donosi Plan zaštite i spašavanja, čiji je sadržaj, način izrade, postupak usaglašavanja, donošenja, ažuriranja i čuvanja propisan Uredbom o sadržaju i načinu izrade planova zaštite i spašavanja od prirodnih i drugih nesreća i planova zaštite od požara („Službene novine Federacije BiH“, broj 8/11);
- d) priprema opće propise iz oblasti zaštite i spašavanja iz nadležnosti javnih ustanova iz oblasti zdravstva;
- e) donosi pojedinačne akte i programe za izradu i donošenje planskih dokumente iz oblasti zaštite i spašavanja JU Zavod za hitnu medicinsku pomoć;
- f) razmatra stanje priprema za zaštitu i spašavanje u JU Zavod za hitnu medicinsku pomoć i organizuje i koordinira provođenje mjera zaštite i spašavanja koje su određene Procjenom ugroženosti i Planom zaštite i spašavanja;
- g) vrši funkciju rukovođenja akcijama zaštite i spašavanja u JU Zavod za hitnu medicinsku pomoć (funkciju rukovođenja vrši direktor, a u njegovoj odsutnosti tu funkciju vrši zaposlenik kojeg on odredi), putem povjerenika civilne zaštite;
- h) određuje i postavlja povjerenike civilne zaštite u svim organizacionim i poslovnim jedinicama JU Zavod za hitnu medicinsku pomoć;
- i) utvrđuje organizaciju, zadatke i način rada službe zaštite i spašavanja, koja se organizuje u okviru JU Zavod za hitnu medicinsku pomoć posebnim aktom Vlade Kantona Sarajevo ili nadležnog općinskog organa vlasti;
- j) preduzima mjere i aktivnosti na planiranje i obezbjeđenju neophodnih materijalno-tehničkih sredstava i opreme potrebne za rad povjerenika civilne zaštite i službe zaštite i spašavanja, kao i za provođenje lične i kolektivne zaštite zaposlenika u objektima JU Zavod za hitnu medicinsku pomoć u skladu sa Odlukom o vrsti i minimalnim količinama sredstava potrebnih za sprovođenje lične i kolektivne zaštite građana i zaposlenika u poslovnim objektima i stambenim zgradama od prirodnih i drugih nesreća („Službene novine Federacije Bosne i Hercegovine“, br. 23/04 i 58/06);
- k) organizuje i provodi obuku i osposobljavanje povjerenika civilne zaštite i pripadnika službe zaštite i spašavanja za njihovo učešće u zaštiti i spašavanju i zaposlenika za provođenje lične i kolektivne zaštite;

- l) obezbjeđuje provođenje naredbi i odluka nadležnog štaba civilne zaštite koji rukovodi akcijama zaštite i spašavanja na području na kojem se nalaze objekti JU Zavod za hitnu medicinsku pomoć;
- m) obavlja i druge poslove zaštite i spašavanja u skladu sa Zakonom o zaštiti i spašavanju i drugim propisima.

Član 6.
(Prava i dužnosti zaposlenika)

Zaposlenici JU Zavod za hitnu medicinsku pomoć u oblasti zaštite i spašavanja imaju slijedeća prava i dužnosti:

- a) da u skladu sa Zakonom o zaštiti i spašavanju i Planom zaštite i spašavanja budi raspoređeni u povjerenike civilne zaštite i službu zaštite i spašavanja;
- b) obučavati se i osposobljavati za obavljanje poslova povjerenika civilne zaštite i pripadnika službe zaštite i spašavanja, kao i za provođenje lične i kolektivne zaštite i za provođenje mjera zaštite i spašavanja;
- c) da podatke o svim pojavama i opasnostima koje se pojave u oblasti kojom se bavi JU Zavod za hitnu medicinsku pomoć, a koje mogu dovesti do nastanka neke prirodne i druge nesreće, odmah dostave najbližem operativnom centru civilne zaštite ili Kantonalnoj upravi civilne zaštite Kantona Sarajevo ili službi civilne zaštite ili najbližoj policijskoj upravi.
- d) da u skladu sa Zakonom o zaštiti i spašavanju daju podatke potrebne za vođenje evidencija u oblasti zaštite i spašavanja, kao i da, u roku od osam dana od dana nastale promjene, prijave sve promjene koje se odnose na prebivalište, adresu stana i druge podatke od značaja za zaštitu i spašavanje.

**POGLAVLJE III. RUKOVOĐENJE AKCIJAMA ZAŠTITE I SPAŠAVANJA U JU ZAVOD
ZA HITNU MEDICINSKU POMOĆ**

Član 7.
(Organ rukovođenja)

(1) Organizovanje i ostvarivanje rukovođenja akcijama zaštite i spašavanja u pravnim licima u kojima nije formiran štab civilne zaštite prema odredbama člana 111. tačka 2) Zakona o zaštiti i spašavanju, vrši rukovodilac ili drugi organ određen općim aktom pravnog lica putem povjerenika civilne zaštite.

(2) Rukovođenje akcijama zaštite i spašavanja u JU Zavod za hitnu medicinsku pomoć u skladu sa stavom (1) ovog člana, vrši direktor JU Zavod za hitnu medicinsku pomoć putem povjerenika civilne zaštite i rukovodioca službe zaštite i spašavanja, a u slučaju odsutnosti direktora, funkciju rukovođenja vrši zaposlenik kojeg on odredi putem povjerenika civilne zaštite i rukovodioca službe zaštite i spašavanja.

Član 8.
(Naredba o upotrebi snaga i sredstava)

Naredbu o upotrebi snaga i sredstava civilne zaštite, na zadacima zaštite i spašavanja za potrebe JU Zavod za hitnu medicinsku pomoć donosi direktor, a u njegovoj odsutnosti zaposlenik kojeg on odredi.

Član 9.
(Način rukovođenja)

(1) Kada zaprijeti neposredna opasnost za nastanak prirodne i druge nesreće koja može da ugrozi ljude i objekte i drugu imovinu JU Zavod za hitnu medicinsku pomoć i u situaciji kada nadležni organ vlasti proglasi nastanak te nesreće na području na kojem se nalaze objekti i imovina JU Zavod za hitnu medicinsku pomoć, direktor JU Zavod za hitnu medicinsku pomoć aktivira povjerenike civilne zaštite i službu zaštite i spašavanja.

(2) Aktivirani povjerenici civilne zaštite i pripadnici službe zaštite i spašavanja iz stava (1) ovog člana odmah počinju vršiti poslove i zadatke iz svoje nadležnosti i to pod neposrednim nadzorom i uputstvima i naredbama direktora JU Zavod za hitnu medicinsku pomoć.

(3) Direktor, povjerenici civilne zaštite, pripadnici službe zaštite i spašavanja i svi zaposlenici JU Zavod za hitnu medicinsku pomoć, dužni su da postupaju po naredbama štaba civilne zaštite općine, Kantona Sarajevo i Federacije BiH koji na ugroženom području rukovode akcijama zaštite i spašavanja.

POGLAVLJE IV. ORGANIZOVANE STRUKTURE CIVILNE ZAŠTITE

Član 10.
(Povjerenici civilne zaštite)

(1) Povjerenici civilne zaštite su organizovane snage civilne zaštite koji se u skladu sa članom 118. Zakona o zaštiti i spašavanju određuju u pravnim licima u kojima se ne osniva štab civilne zaštite, a čiji se broj određuje prema vlastitoj procjeni pravnog lica, s tim što se u obzir uzima broj zaposlenika, unutrašnja organizacija pravnog lica, kao i drugi uslovi bitni za određivanje broja povjerenika civilne zaštite.

(2) Sve aktivnosti pravnih lica koje se odnose na određivanje povjerenika civilne zaštite, utvrđivanje njihovih poslova i načina rada, obučavanja i opremanja vrši se u skladu sa odredbama čl. 118. do 120. Zakona o zaštiti i spašavanju i odredbama čl. 49. do 56. Pravilnika o načinu rada i funkcioniranja štabova i povjerenika civilne zaštite.

(3) U skladu sa stavom (1) ovog člana, a prema Procjeni ugroženosti kao organizovane snage civilne zaštite u JU Zavod za hitnu medicinsku pomoć određuju se povjerenici civilne zaštite i to tako da u svakoj organizacionoj jedinici bude minimalno po jedan povjerenik civilne zaštite.

Član 11.
(Postavljanje i razrješavanje povjerenika civilne zaštite)

(1) U skladu sa članom 119. Zakona o zaštiti i spašavanju i članom 50. Pravilnika o načinu rada i funkcioniranja štabova i povjerenika civilne zaštite, povjerenike civilne zaštite postavlja i razrješava direktor JU Zavod za hitnu medicinsku pomoć rješenjem.

(2) Rješenje iz stava (1) ovog člana sadrži: lične podatke povjerenika civilne zaštite, osnovne zadatke, način vršenja poslova, objekti (upravne, poslovne zgrade i drugi objekti) za koje

su zaduženi i način ostvarivanja saradnje sa direktorom, odnosno organom koji je određen za rukovođenje u zaštiti i spašavanju u JU Zavod za hitnu medicinsku pomoć.

Član 12.

(Poslovi povjerenika civilne zaštite i način njihovog obavljanja)

(1) Povjerenici civilne zaštite u JU Zavod za hitnu medicinsku pomoć, nadležni su za obavljanje poslova koji su utvrđeni u članu 120. stav (1) Zakona o zaštiti i spašavanju i članu 54. Pravilnika o načinu rada i funkcioniranju štabova i povjerenika civilne zaštite.

(2) Poslove iz stava (1) ovog člana povjerenici obavljaju i to na način koji je propisan čl. 55. i 56. Pravilnika o načinu rada i funkcioniranju štabova i povjerenika civilne zaštite.

Član 13.

(Služba zaštite i spašavanja)

(1) Služba zaštite i spašavanja kao organizovana struktura civilne zaštite formira se u okviru JU Zavod za hitnu medicinsku pomoć u skladu sa članom 123. stav (3) Zakona o zaštiti i spašavanju i članom 10. Pravilnika o organizovanju službi zaštite i spašavanja i jedinica civilne zaštite, posebnim aktom Vlade Kantona Sarajevo ili nadležnog općinskog organa vlasti.

(2) Služba zaštite i spašavanja u JU Zavod za hitnu medicinsku pomoć, obavljanje polova i zadataka koji su utvrđeni posebnim aktom Vlade Kantona Sarajevo ili nadležnog općinskog organa vlasti iz stava (1) ovog člana i to na način i u skladu s tim aktom, Zakonom o zaštiti i spašavanju i Pravilnikom o organizovanju službi zaštite i spašavanja i jedinica civilne zaštite.

POGLAVLJE V. MATERIJALNO OPREMANJE, OBUČAVANJE, OSPOSOBLJAVANJE I FINANSIRANJE

Član 14.

(Materijalno opremanje)

Za provođenje mjera zaštite i spašavanja koje su utvrde u Procjeni ugroženosti i Planu zaštite i spašavanja, JU Zavod za hitnu medicinsku pomoć treba planirati i obezbjediti materijalno-tehnička sredstava i opremu neophodnu za rad povjerenika civilne zaštite, službe zaštite i spašavanja, kao i za provođenje lične i kolektivne zaštite zaposlenika u svim objektima JU Zavod za hitnu medicinsku pomoć u skladu sa Odlukom o vrsti i minimalnim količinama sredstava potrebnih za sprovođenje lične i kolektivne zaštite građana i zaposlenika u poslovnim objektima i stambenim zgradama od prirodnih i drugih nesreća.

Član 15.

(Obučavanje i osposobljavanje)

(1) JU Zavod za hitnu medicinsku pomoć obavezno je planirati i provoditi obučavanje i osposobljavanje organa rukovođenja za vršenje funkcije rukovođenja akcijama zaštite i spašavanja, povjerenika civilne zaštite i pripadnika službe zaštite i spašavanja za obavljanje poslova za koje su oni nadležni i zaposlenika za provođenje lične i kolektivne zaštite.

(2) Obučavanje i osposobljavanje iz stava (1) ovog člana organizuje se i provodi u saradnji sa oranima civilne zaštite (Kantonalnom upravom civilne zaštite Kantona Sarajevo i općinskim službama civilne zaštite općine).

Član 16.
(Finansiranje)

(1) U skladu sa članom 185. Zakona o zaštiti i spašavanju, JU Zavod za hitnu medicinsku pomoć obavezno je da iz vlastitih sredstava u okviru svog godišnjeg finansijskog plana, obezbjedi sredstva za financiranje vlastitih zadataka u oblasti zaštite i spašavanja od prirodnih i drugih nesreća.

(2) Sredstva se obezbjeđuju za finansiranje sljedećih zadataka: pripremanje, opremanje, obuku i osposobljavanje organa koje rukovode akcijama zaštite i spašavanja, povjerenika civilne zaštite i pripadnika službe zaštite i spašavanja, za nabavku opreme i sredstava potrebnih za provođenje lične i kolektivne zaštite zaposlenika, te za nabavku opreme i sredstava potrebnih za provođenje mjera zaštite i spašavanja i druge potrebe.

POGLAVLJE VI. PRIJELAZNE I ZAVRŠNE ODREDBE


Član 17.
(Primjena odredbi drugih propisa)

Za pitanja iz oblasti zaštite i spašavanja ljudi i materijalnih dobara od prirodnih i drugih nesreća, koja nisu regulisana ovim pravilnikom, primjenjivat će se odredbe Zakona o zaštiti i spašavanju, kao i drugih propisa iz oblasti zaštite i spašavanja.

Član 18.
(Stupanje na snagu)

Ova pravilnik stupa na snagu danom donošenja.

Broj: 01-02-*SB* /24
Sarajevo, 07.02.2024. godine



**V.D.PREDSJE DAVAJUĆEG
UPRAVNOG ODBORA**

Mr.Ahmet Berilo